

Prilog 2.

Popunjavanje carinske deklaracije za izvozne carinske postupke

A. Opće odredbe

- Ovim prilogom propisuje se način popunjavanja carinske deklaracije koja se, u skladu sa članom 10. i članom 21. stav (2) ovog uputstva, podnosi za sljedeća carinski odobrena postupanja ili upotrebu pri izvozu iz člana 1. stav (2) tačka a) ovog uputstva (u daljnjem tekstu: izvozni carinski postupci):
 - izvoz (trajni izvoz - 10, 11, 95, 96 i privremeni izvoz - 23),
 - vanjska obrada (21),
 - ponovni izvoz (ponovni izvoz robe iz carinskog područja Bosne i Hercegovine - 31).
- Za popunjavanje određenih polja carinske deklaracije za izvozne carinske postupke (u daljnjem tekstu: izvozna carinska deklaracija) označenih brojevima koriste se šifre propisane za odnosno polje iz Priloga 5. ovog uputstva (u daljnjem tekstu: Prilog 5.).
- U izvoznj carinskoj deklaraciji za izvozne carinske postupke iz tačke 1. (pod A.) ovog priloga (10, 11, 21, 23, 31, 95, 96) popunjavaju se polja označena brojevima: 1, 2, 3⁽¹⁾, 5⁽¹⁾, 6⁽¹⁾, 7, 8, 9⁽²⁾, 14, 16⁽⁴⁾, 17, 17a, 18⁽⁵⁾⁽⁶⁾, 19, 20, 21⁽⁵⁾⁽⁶⁾, 22, 23, 24, 25, 26⁽⁸⁾, 29, 30⁽¹¹⁾, 31, 32, 33, 34a⁽¹²⁾, 35, 37, 38, 40, 41, 42, 44, 46, 49⁽¹⁵⁾⁽¹⁶⁾, 50⁽¹⁸⁾ i 54 (vidi Prilog 1. ovog uputstva).
- Na nivou **glave** izvozne carinske deklaracije popunjava se polje: 1, 2, 3⁽¹⁾, 5⁽¹⁾, 6⁽¹⁾, 7, 8, 9⁽²⁾, 14, 16⁽⁴⁾, 17, 17a, 18⁽⁵⁾⁽⁶⁾, 19, 20, 21⁽⁵⁾⁽⁶⁾, 22, 23, 24, 25, 26⁽⁸⁾, 29, 30⁽¹¹⁾, 49⁽¹⁵⁾⁽¹⁶⁾, 50⁽¹⁸⁾ i 54 (primjenjivo polje, ovisno koji je izvozni carinski postupak u pitanju).
- Na nivou **naimenovanja** izvozne carinske deklaracije popunjava se polje: 31, 32, 33, 34a⁽¹²⁾, 35, 37, 38, 40, 41, 42, 44 i 46 (primjenjivo polje, ovisno koji je izvozni carinski postupak u pitanju).

Legenda (izvod iz Priloga 1.):	
(1)	Polje 3, 5 i 6, za bilo koji izvozni i uvozni carinski postupak, automatski popunjava carinski informacijski podsistem.
(2)	Polje 9, gdje je primjenjivo, popunjava se: <ul style="list-style-type: none">u izvoznim carinskim postupcima, kada se u polju 2 izvozne carinske deklaracije koristi odgovarajuća "zajednička šifra" iu uvoznim carinskim postupcima, kada se u polju 8 uvozne carinske deklaracije koristi odgovarajuća "zajednička šifra".
(4)	Polje 16 u izvoznim i uvoznim carinskim postupcima popunjava se samo zbog tehničkih zahtjeva carinskog informacijskog podsistema.
(5)	Polje 18 (identitet) i polje 21 (identitet) ne popunjava se za: <ul style="list-style-type: none">poštanske pošiljke ipošiljke koje se prevoze (prenose) fiksnim prijevoznim instalacijama.
(6)	Polje 18 (nacionalnost) i polje 21 (nacionalnost) ne popunjava se za: <ul style="list-style-type: none">poštanske pošiljke,pošiljke koje se prevoze (prenose) fiksnim prijevoznim instalacijama,pošiljke u željezničkom saobraćaju.
(8)	Polje 26 u izvoznj carinskoj deklaraciji ne popunjava se kada se izvozne carinske formalnosti provode u carinskom uredu u mjestu izlaska robe iz carinskog područja Bosne i Hercegovine.
(11)	Polje 30 popunjava se u izvoznim i uvoznim carinskim postupcima kada se zahtijevani carinski postupak provodi po nepotpunoj carinskoj deklaraciji ili po kućnom carinjenju, i u drugom slučaju kada je to propisano i na način kako je propisano.

(12)	Polje 34a u izvoznim carinskim postupcima može popuniti deklarant upisivanjem države porijekla robe kako je propisano. U protivnom, polje 34 popunjava se samo zbog tehničkih zahtjeva carinskog informacionog podsistema.
(15)	Polje 49 (prvi dio) popunjava se u izvoznoj carinskoj deklaraciji ako se izvozna carinska deklaracija za stavljanje robe u predmetni izvozni carinski postupak koristi za završetak postupka carinskog skladištenja.
(16)	Polje 49 (drugi dio) popunjava se u izvoznoj carinskoj deklaraciji za privremeni izvoz robe koja će se vratiti u nepromijenjenom stanju (postupak "2300") samo zbog tehničkih zahtjeva carinskog informacionog podsistema, upisivanjem takozvanog sistemskog broja "9999".
(18)	Polje 50 u izvoznim carinskim postupcima može popuniti deklarant u slučaju navedenom u tekstu za polje 50 u Prilogu 2. ovog uputstva.

B. Način popunjavanja polja carinske deklaracije za izvozne carinske postupke

(izvoz trajni, privremeni izvoz robe koja će se vratiti u nepromijenjenom stanju, vanjska obrada i ponovni izvoz)

Polja izvozne carinske deklaracije za izvozne carinske postupke iz tačke 1. (pod A.) ovog priloga označena brojevima popunjavaju se kako slijedi u tekstu ovog priloga.

Polje 1: DEKLARACIJA

Popunjava se tako što se upisuje:

- u prvu podjelu: šifra "EX",
- u drugu podjelu: dodatna vrsta deklaracije, koristeći jednu od sljedećih šifri, ovisno od konkretnog slučaja:
 - šifra "A", ako se izvozna carinska deklaracija podnosi u redovnom postupku u skladu sa članom 74. Zakona,
 - šifra "Z", ako se izvozna carinska deklaracija podnosi za kućno izvozno carinjenje (pojednostavljeni postupak u skladu sa članom 88. stav (1) tačka c) Zakona), potpuna sa svim potrebnim podacima kao u redovnom postupku,
 - šifra "B", ako se podnosi nepotpuna izvozna carinska deklaracija (pojednostavljeni postupak odobren na osnovu člana 88. stav (1) tačka a) Zakona), koja šifra ostaje i kod dopune te deklaracije,
- treća podjela - ne popunjava se.

Polje 2: Pošiljalac/Izvoznik

1. Popunjava se tako što se upisuje:
 - u prvi red, pored oznake I.B.: I.B. izvoznika,
 - upisivanjem I.B. izvoznika u prvi red ovog polja, carinski informacioni podsistem automatski, iz Jedinstvenog registra obveznika indirektnih poreza, upisuje podatke o izvozniku robe (puno ime, adresa).
2. U polje 2 izvozne carinske deklaracije upisuju se podaci o izvozniku koji je registriran u Jedinstvenom registru obveznika indirektnih poreza i kojem je u tom registru dodijeljen I.B.
3. Izuzetno od tačke 2. ovog polja, u slučaju ako je izvoznik lice koje, u skladu s važećim propisima, ne mora biti registrirano u Jedinstveni registar obveznika indirektnih poreza po osnovu obavljanja vanjskotrgovinskog poslovanja, postupa se tako što se u izvoznu carinsku deklaraciju upisuje:
 - u polje 2 u prvi red, pored oznake I.B.: ovisno od konkretnog slučaja, odgovarajuća zajednička šifra iz Priloga 5.,
 - u polje 9: podaci o licu na koje se odnosi zajednička šifra upisana u polje 2. U slučaju korištenja zajedničke šifre u izvoznoj carinskoj deklaraciji, polje 2 i 9 čine jedinstvo i odnose se na isto lice.

4. Ako izvozom robe počinje ili se završava postupak s ekonomskim dejstvom, u polje 2 izvozne carinske deklaracije upisuju se podaci o imaoocu odobrenja za taj postupak.
5. Na jednoj izvoznoj carinskoj deklaraciji može biti upisan samo jedan izvoznik.
6. Izvoznikom, u smislu člana 179. stav (3) Zakona i člana 456. Odluke, smatra se lice u čije ime je podnijeta izvozna carinska deklaracija i koje je u trenutku njenog prihvatanja vlasnik robe ili ima slična prava raspolaganja predmetnom robom. Ako vlasnik robe ili lice koje ima slična prava raspolaganja robom, u skladu sa ugovorom o izvozu, ima sjedište ili prebivalište izvan Bosne i Hercegovine, izvoznikom se smatra ugovorni partner sa sjedištem ili prebivalištem u carinskom području Bosne i Hercegovine.

Polje 3: Obrasci⁽¹⁾

1. Popunjava se tako što upisuje:
 - u prvu podjelu: redni broj seta u odnosu na ukupan broj korištenih setova i dopunskih obrazaca izvozne carinske deklaracije,
 - u drugu podjelu: ukupan broj korištenih setova i dopunskih obrazaca izvozne carinske deklaracije.

Primjer: Ako se koristi jedan obrazac EX i dva dopunska obrasca EX/BIS, na obrascu EX upisuje se "1/3", na prvom dopunskom obrascu EX/BIS upisuje se "2/3", na drugom dopunskom obrascu EX/BIS upisuje se "3/3".

Ako izvoznju carinsku deklaraciju sačinjavaju dva seta po četiri primjerka, umjesto jednog seta od osam primjeraka, ta se dva seta smatraju jednim setom u svrhu utvrđivanja broja obrazaca.

2. Polje 3 izvozne carinske deklaracije carinski informacioni podsistem automatski popunjava upisivanjem broja seta u odnosu na ukupan broj korištenih setova i dopunskih obrazaca, kako je navedeno u primjeru za ovo polje.

Polje 5: Naimenovanja⁽¹⁾

1. Brojem, upisuje se ukupan broj naimenovanja (robe) koja predmetno lice prijavljuje u svim korištenim obrascima i dopunskim obrascima izvozne carinske deklaracije (JCI i JCI BIS).
2. Ukupan broj naimenovanja mora odgovarati broju popunjenih pólja 31 u izvoznoj carinskoj deklaraciji.
3. Polje 5 carinski informacioni podsistem automatski popunjava na osnovu broja popunjenih pólja 31 u izvoznoj carinskoj deklaraciji.

Polje 6: Ukupan broj paketa⁽¹⁾

1. Brojem, upisuje se ukupan broj paketa koji sačinjavaju predmetnu pošiljku koja se prijavljuje po izvoznoj carinskoj deklaraciji, bez navođenja njihove vrste.
2. Ako je pošiljka u rasutom stanju, carinski informacioni podsistem u polje 6 upisuje "0" (nulu).
3. U polje 6 carinski informacioni podsistem automatski upisuje ukupan broj paketa koji sačinjavaju predmetnu pošiljku, na osnovu broja paketa upisanih u svakom popunjenom polju 31 u predmetnoj izvoznoj carinskoj deklaraciji, te automatski provjerava podatke upisane u ovo polje.

Polje 7: Referentni broj

1. Upisuje se trgovački referentni broj koji deklarant ili zastupnik dodijeli predmetnoj pošiljci u svrhu nedvosmislene identifikacije te pošiljke, odnosno izvozne carinske deklaracije, dok se ne dodijeli MRN broj.
2. Taj se broj u toku kalendarske godine ne može ponoviti za isto lice.
3. Taj broj može biti u obliku jedinstvenog referentnog broja pošiljke (UCR)⁽¹⁾.

⁽¹⁾ Preporuka Vijeća za carinsku suradnju o jedinstvenom referentnom broju pošiljke (UCR-*unique consignment reference number*) za carinske svrhe (30. juna 2001.)

Polje 8: Primaocac

1. Popunjava se tako što se upisuje:
 - u drugi red: puno ime primaoca kojem treba isporučiti robu,
 - u treći red: sjedište i država primaoca robe,
 - u četvrti red: adresa primaoca robe.
2. U slučaju kada jedan izvoznik šalje robu za više primaoca (zbirna pošiljka), a pod uvjetom da se svi podaci za polja na nivou glave izvozne carinske deklaracije primjenjuju na svu robu u zbirnoj pošiljci i da je za sva naimenovanja ista šifra postupka u prvoj podjeli polja 37, izvozna carinska deklaracija popunjava se tako što se:
 - u polje 8 upisuje: "Više primaoca-00200", a
 - uz izvozna carinsku deklaraciju prilaže se "specifikacija primaoca", koja sadrži i referentne podatke specifikacije koji se upisuju u polje 44 pod odgovarajućom šifrom vrste dokumenta iz Priloga 5.

Napomena:

Ako su predmet izvoza pošiljke od istog izvoznika istom primaocu ali sa više faktura sa različitim, na primjer, mjestom isporuke, ili valutom, ili vrstom trgovinskog posla ili drugim različitim podatkom na nivou glave izvozne carinske deklaracije, u tom slučaju, shodno pravilima za popunjavanje, nije moguće podnijeti jednu izvozna carinsku deklaraciju za sve robe na koje se odnose ispostavljene fakture. Mora se za svaku od tih roba istog mjesta isporuke ili istog vanjskotrgovinskog posla, ili iste valute, ovisno od konkretne situacije, podnijeti zasebna izvozna carinska deklaracija (na primjer, za dva različita mjesta isporuke podnose se dvije izvozne carinske deklaracije).

Navedeno se odnosi i na zbirnu pošiljku, gdje je primjenjivo.

Polje 9: Lice odgovorno za finansijsko poravnanje⁽²⁾

1. Polje 9 izvozne carinske deklaracije popunjava se samo ako se u polju 2 izvozne carinske deklaracije, gdje je primjenjivo, koristi odgovarajuća zajednička šifra iz Priloga 5.
2. U slučaju iz tačke 1. ovog polja, u polje 9 izvozne carinske deklaracije upisuju se podaci o licu (puno ime, adresa) na koje se odnosi zajednička šifra upisana u polju 2 izvozne carinske deklaracije.

Polje 14: Deklarant/Zastupnik

1. Popunjava se tako što se upisuje:
 - u prvi red, ispred oznake I.B.: odgovarajuća šifra za određivanje deklaranta ili statusa zastupnika iz Priloga 5., ovisno od konkretnog slučaja,
 - u prvi red, poslije oznake I.B.: I.B. deklaranta/zastupnika,

- u drugi red: puno ime deklaranta/zastupnika,
- u treći red: adresa deklaranta/zastupnika,
- upisivanjem I.B. deklaranta/zastupnika u prvi red polja 14, carinski informacijski podsystem automatski, iz Jedinstvenog registra obveznika indirektnih poreza, u polje 14 upisuje puno ime i adresu deklaranta/zastupnika.

2. Pojašnjenje u vezi korištenja šifre za određivanje deklaranta ili statusa zastupnika

2.1. Ako izvoznik *sâm podnosi* izvoznu carinsku deklaraciju u svoje ime i za svoj račun:

- izvoznik nema zastupnika, djeluje u svoje ime i za svoj račun,
- izvoznik je deklarant,
- u polje 14 upisuje se šifra za određivanje deklaranta "1" i I.B. izvoznika (i ostali podaci o izvozniku za ovo polje na način kako je navedeno u tački 1. ovog polja),
- u ovom slučaju, lice iz polja 2 i 14 izvozne carinske deklaracije je isto lice, a to je izvoznik.

2.2. Ako izvoznik podnosi izvoznu carinsku deklaraciju *putem zastupnika*, u polje 14, ovisno od vrste zastupanja, upisuje se jedna od sljedećih šifri za određivanje statusa zastupnika i I.B. zastupnika:

- šifra "2" (neposredno zastupanje)	- neposredni zastupnik podnosi izvoznu carinsku deklaraciju u ime i za račun izvoznika (lice navedeno u polju 2), na osnovu ovlaštenja datog od strane izvoznika, - u polje 14 upisuje se I.B. neposrednog zastupnika, - kod neposrednog zastupanja <i>izvoznik je deklarant</i> ,
- šifra "3" (posredno zastupanje)	- posredni zastupnik podnosi izvoznu carinsku deklaraciju u svoje ime, a za račun izvoznika, - u polje 14 upisuje se I.B. posrednog zastupnika, - kod posrednog zastupanja <i>posredni zastupnik je deklarant</i> .

2.3. Ako izvoznik podnosi izvoznu carinsku deklaraciju putem zastupnika, ovisno od vrste zastupanja, podaci upisani u polju 14 odnose se na lice čiji je I.B. upisan u to polje, ovisno od konkretne situacije (kako je pojašnjeno u tački 2.1. ili 2.2. ovog polja).

2.4. U svakom slučaju, podaci o odgovornom licu navedenom u polju 54 izvozne carinske deklaracije odnose se na lice čiji je I.B. upisan u polje 14.

Polje 16: Država porijekla⁽⁴⁾

1. Polje 16 izvozne carinske deklaracije popunjava se samo zbog tehničkih zahtjeva carinskog informacijskog podsystema, koji podsystem automatski popunjava ovo polje na osnovu podataka upisanih u polje 34a.
2. Ako su različite države porijekla navedene u polju 34a po naimenovanjima izvozne carinske deklaracije, carinski informacijski podsystem automatski u polje 16 upisuje riječ "mnogo".

Polje 17: Država odredišta/šifra

1. U polje 17 upisuje se naziv države zadnjeg (konačnog) odredišta robe koja se izvozi, poznatu u trenutku izvoza, a u polje 17a odgovarajuća šifra te države iz Priloga 5.
2. Upisivanjem u polje 17a odgovarajuće šifre države zadnjeg odredišta robe iz Priloga 5., carinski informacijski podsystem automatski u polje 17 upisuje naziv te države.

Primjer: Kupac iz Njemačke kupuje robu u Bosni i Hercegovini koja se otprema u Republiku Srbiju. U ovom primjeru, u polju 17a je Republika Srbija (ne Njemačka, dakle ne država odakle je kupac nego država u koju se roba izvozi, to jest gdje je zadnje odredište robe).

3. U slučaju prodaje robe na malo u bescarinskoj prodavnici uz oslobađanje od plaćanja uvoznih dažbina putnicima u odlasku do drugih država - letovi van Bosne i Hercegovine (član 379. stav (3) tačka a) Odluke):
 - u polje 17 izvozne carinske deklaracije kao država odredišta upisuje se država sa bording karte,
 - za svaku državu odredišta podnosi se zasebna izvozna carinska deklaracija (na primjer, na mjesečnom nivou, ako je tako određeno odredbama o carinskim skladištima, jedna izvozna deklaracija za sve što je otišlo za Austriju, jedna za Njemačku i tako dalje).

Polje 18: Identitet i nacionalnost prijevoznog sredstva u polasku^{(5) (6)}

1. Popunjava se tako što se upisuje:
 - u prvu podjelu: identitet prijevoznog sredstva (registarski broj ili naziv),
 - u drugu podjelu: nacionalnost prijevoznog sredstva, koristeći odgovarajuću šifru iz Priloga 5.
2. Upisuje se nacionalnost prijevoznog sredstva (ili vozila koje vuče druga prijevozna sredstva ako se radi o više prijevoznih sredstava) na koje je roba direktno utovarena u vrijeme izvoznih carinskih formalnosti.
3. Za označavanje nacionalnosti prijevoznog sredstva koristi se odgovarajuća šifra države iz Priloga 5. u kojoj je predmetno prijevozno sredstvo registrirano.
4. Ako se koristi vučno vozilo i prikolica koji imaju različite registarske brojeve, upisuje se registarski broj i vučnog vozila i prikolice, te nacionalnost vučnog vozila.
5. Ako se roba prevozi željeznicom upisuje se broj vagona. Ako je u pitanju više vagona, upisuje se:
 - "Razno vagoni-99211", a
 - uz izvozna carinsku deklaraciju prilaže se "specifikacija vagona", koja sadrži brojeve vagona i referentne podatke specifikacije. Referentni podaci specifikacije upisuju se u polje 44 izvozne carinske deklaracije pod odgovarajućom šifrom vrste dokumenta iz Priloga 5.
6. Ako se roba prevozi zrakoplovom, upisuje se broj i datum leta. Ako nema broja leta, upisuje se registarski broj zrakoplova.
7. Ako se roba prevozi brodom, upisuje se naziv i oznaka broda.
8. Svi registarski brojevi upisuju se u polje 18 na način da se između oznaka ne smije ostavljati prazno mjesto, a podaci za vučno vozilo i prikolicu odvajaju se kosom linijom "/" bez razmaka.
9. Polje 18 ne popunjava se:
 - prva podjela (identitet) i druga podjela (nacionalnost) za:
 - pošiljke u poštanskom saobraćaju i
 - pošiljke koje se prevoze (prenose) fiksnim prijevoznim instalacijama (na primjer, cjevovodi, električni vodovi),
 - druga podjela (nacionalnost): za pošiljke u željezničkom saobraćaju.

Polje 19: Kontejner (Ktr.)

1. U polje 19 upisuju se potrebni podaci o pretpostavljenoj situaciji u trenutku prelaska granice Bosne i Hercegovine, koji su poznati u trenutku završetka izvoznih carinskih formalnosti i to:

- šifra "1": ako se roba prevozi u kontejneru,
 - šifra "0": ako se roba ne prevozi u kontejneru.
2. Ako se u polje 19 upisuje šifra "1", tada se u polje 31 upisuju identifikacioni brojevi/oznake kontejnera.
 3. Kod izvozne carinske deklaracije koja se popunjava korištenjem carinskog informacionog podsistema polje 19 popunjava se ako se roba prevozi u kontejneru tako što se upisuje znak "√", a u bazi podataka tog polja nalazi se šifra "1". U protivnom ovo polje ne popunjava se.

Napomena: Upisivanjem znaka "√" u polje 19 kada se roba prevozi u kontejneru, carinski informacioni podsistem automatski otvara dio polja 31 (dodatni ekran pod nazivom "Kontejner", gdje se nalazi šifra "0" i "1") u koji se upisuju podaci o identifikacionom broju (oznaci) svakog pojedinačnog kontejnera, koji podaci su vidljivi u polju 31.

Polje 20: Uvjeti isporuke

1. U polje 20 upisuju se podaci o uvjetima iz trgovinskog ugovora.
2. Polje 20 popunjava se tako što se upisuje:
 - u prvu podjelu: odgovarajuća šifra pariteta isporuke iz Priloga 5.,
 - u drugu podjelu: mjesto pariteta isporuke.

Polje 21: Identitet i nacionalnost aktivnog prijevoznog sredstva koje prelazi granicu^{(5) (6)}

1. Popunjava se tako što se upisuje:
 - u prvu podjelu: identitet aktivnog prijevoznog sredstva (registarski broj ili naziv),
 - u drugu podjelu: nacionalnost aktivnog prijevoznog sredstva, koristeći odgovarajuću šifru iz Priloga 5.
2. U polje 21 upisuju se podaci o aktivnom prijevoznom sredstvu koje prelazi granicu Bosne i Hercegovine, poznato u trenutku završavanja izvoznih carinskih formalnosti.
3. Ako je u pitanju kombinirani prijevoz ili ako se koristi više prijevoznih sredstava, aktivnim prijevoznim sredstvom smatra se ono koje pokreće cijelu tu kombinaciju (to jest pogonsko prijevozno sredstvo). Na primjer, ako se kamion nalazi na brodu, aktivno prijevozno sredstvo je brod. Ako se koristi kombinacija vučnog vozila i prikolice, aktivno prijevozno sredstvo je vučno vozilo, i tako dalje.
4. Ako je roba utovarena na teretnom vozilu koje se prevozi na željezničkom prijevoznom sredstvu, upisuju se podaci o vagonu.
5. U pogledu daljnjih odredbi, postupa se na način naveden u tač. 3. do 9. za polje 18 ovog priloga.

Polje 22: Valuta i ukupan iznos iz fakture

1. Popunjava se tako što se upisuje:
 - u prvu podjelu: odgovarajuća šifra valute objavljene od Centralne banke Bosne i Hercegovine, u kojoj je iskazana vrijednost robe u fakturi,
 - u drugu podjelu: iznos iz fakture za svu prijavljenu robu, u valuti iz prve podjele.

2. U carinskoj deklaraciji za *privremeni izvoz (postupak "23")* i carinskoj deklaraciji za *privremeni izvoz u okviru vanjske obrade (postupak "21")*, u drugu podjelu polja 22 upisuje se fakturirana vrijednost (vrijednost robe koja se privremeno izvozi), bez obzira što faktura neće biti plaćena.
3. U carinskoj deklaraciji za *ponovni izvoz robe uvezene radi unutarne obrade po osnovu lohn posla*, u drugu podjelu polja 22 upisuje se iznos iz fakture koji se naplaćuje od stranog lica (vrijednost koja se sastoji od vrijednosti ugrađenog domaćeg materijala (robe) i vrijednosti uslugâ).
4. U carinskoj deklaraciji za *ponovni izvoz robe uvezene radi unutarne obrade* (koja nije *lohn* posao), u drugu podjelu polja 22 upisuje se iznos iz fakture koji se naplaćuje od stranog lica (vrijednost robe koja se sastoji od vrijednosti uvozne robe, vrijednosti ugrađenog domaćeg materijala (robe) i vrijednosti uslugâ).
5. Ako je roba koja se prijavljuje obračunata u više valuta, za svaku vrstu valute podnosi se zasebna izvozna carinska deklaracija.
6. Vrijednost upisana u polje 22 jednaka je zbiru vrijednosti upisanih u polju 42 u svim naimenovanjima izvozne carinske deklaracije.

Napomena: U polje 22 u carinskom informacionom podsistemu deklarant upisuje iznos iz fakture u valuti iz prve podjele ovog polja.

Polje 22 izvozne carinske deklaracije u neposrednoj je vezi sa poljem 46 (statistička vrijednost). U polje 46 carinski informacioni podsistem automatski, u valuti Bosne i Hercegovine, upisuje vrijednost iz polja 22, korigiranu za iznose troškova i popusta pravilno upisanih u dodati ekran predmetne izvozne carinske deklaracije "Napomena o vrijednosti".

Polje 23: Kurs valute

1. U polje 23 upisuje se kurs valute između valute (u fakturi) upisane u prvoj podjeli polja 22 i valute Bosne i Hercegovine, koji važi na dan prihvatanja izvozne carinske deklaracije.
2. U polje 23 carinski informacioni podsistem automatski upisuje važeći kurs u skladu sa šifrom valute iz prve podjele polja 22, na osnovu svakodnevnog ažuriranja kursne liste u carinskom informacionom podsistemu objavljene od Centralne banke Bosne i Hercegovine.
3. Strana valuta upisana u prvoj podjeli polja 22 preračunava se u valutu Bosne i Hercegovine (konvertibilna marka) prema srednjem i dnevnom kursu koji objavljuje Centralna banka Bosne i Hercegovine, a koji važi na dan prihvatanja predmetne izvozne carinske deklaracije (čl. 43. i 79. Zakona).

Polje 24: Vrsta posla

1. Popunjava se tako što se upisuje:
 - u prvu podjelu: šifra vrste predmetnog trgovinskog posla (transakcije) iz kolone A iz Priloga 24. Odluke,
 - u drugu podjelu: šifra vrste predmetnog trgovinskog posla iz kolone B iz Priloga 24. Odluke.
2. Šifre iz kolone A iz Priloga 24. Odluke upisuju se u prvu podjelu polja 24 izvozne carinske deklaracije (osim šifre 9, gdje je primjenjivo), a šifre iz kolone B u drugu podjelu polja 24 (na primjer, šifra 11 - prodaja robe uz plaćanje; šifra 21 - povrat neodgovarajuće ili neprodane robe; šifra 53 - ponovni izvoz robe nakon popravke/besplatna usluga; šifra 52 - povrat robe nakon popravke uz plaćanje; šifra 62 - privremeni izvoz robe na sajmove, izložbe; i tako dalje).

Napomena: Kombinacije šifri iz kolone A i kolone B iz Priloga 24. Odluke sadržane su u Prilogu 5.

Polje 25: Način prijevoza na granici

Koristeći odgovarajuću šifru vrste prijevoza iz Priloga 5., upisuje se način prijevoza koji odgovara aktivnom prijevoznom sredstvu za koje se očekuje da će biti korišteno pri izlasku iz carinskog područja Bosne i Hercegovine.

Polje 26: Način prijevoza u unutrašnjosti⁽⁸⁾

1. Koristeći odgovarajuću šifru iz Priloga 5., upisuje se način prijevoza u polasku.
2. Polje 26 ne popunjava se kada se izvozne carinske formalnosti provode u carinskom uredu u mjestu izlaska robe iz carinskog područja Bosne i Hercegovine.

Polje 29: Izlazni carinski ured

1. Upisuje se šifra i naziv carinskog ureda iz Priloga 5. preko koje roba, prema planu, treba napustiti carinsko područje Bosne i Hercegovine.
2. Polje 29 popunjava se i u slučaju kada su izvozni i izlazni carinski ured isti carinski ured.

Polje 30: Mjesto robe⁽¹¹⁾

Polje 30 popunjava se kada se zahtijevani izvozni carinski postupak provodi po nepotpunoj izveznoj carinskoj deklaraciji ili po kućnom izveznom carinjenju, na način propisan posebnim odredbama koje reguliraju navedene postupke, i u drugom slučaju kada je to propisano i na način kako je propisano.

Polje 31: Pakovanje i opis robe; Oznake i brojevi; Kontejner br. - Broj i vrsta

1. Po jednoj izveznoj carinskoj deklaraciji može se prijaviti samo roba za koju je u svim naimenovanjima deklaracije ista šifra postupka u prvoj podjeli polja 37 te deklaracije.
2. U *treći red* izvezne carinske deklaracije, odvojeno kosom linijom "/", upisuje se ukupan broj svih paketa koji se odnosi na konkretno naimenovanje, zatim vrsta (na primjer, vreća, paket, karton, bala, ili drugo) i oznake paketa, odnosno druge odgovarajuće oznake koje omogućavaju identifikaciju pošiljke. Šifre vrste pakovanja navedene su u Prilogu 5.

Napomena: Ako se koriste kontejneri, upisuju se njihovi identifikacioni brojevi/oznake (vidi tačku 3. za polje 19 ovog priloga).

3. Ako se po izveznoj carinskoj deklaraciji prijavljuje roba u više naimenovanja koja je upakovana u jedno pakovanje:
 - podaci o tom pakovanju upisuju se u *treći red* polja 31 samo kod prvog naimenovanja, a
 - kod ostalih naimenovanja robe koja se nalazi u tom pakovanju u *treći red* polja 31 (Broj i vrsta pakovanja) upisuje se "0" (nula) i šifra vrste pakovanja iz prvog naimenovanja iz Priloga 5.
4. Ako je u pitanju neupakovana roba, u polje 31 upisuje se odgovarajuća sistemska šifra za rasuto stanje (rinfuza ili drugi različiti oblici) od raspoloživih sistemskih šifri: "VY,VR,VQ,VL,VS,VO,VG", ovisno koje rasuto stanje je u pitanju.

5. Ako je u pitanju roba koja se prevozi fiksnim prijevoznim instalacijama, upisuje se na primjer gas, nafta, električna energija ili drugo.
6. Ako se zbog nedostatka mjesta u polju 31 ne mogu upisati sve oznake pakovanja:
 - upisuje se: "Razno pakovanja-99211", a
 - uz izvoznu carinsku deklaraciju prilaže se "specifikacija pakovanja", koja sadrži: broj, vrstu i oznake pakovanja, te referentne podatke specifikacije koji se upisuju u polje 44 pod odgovarajućom šifrom vrste dokumenta iz Priloga 5.
7. U *treći i ostale redove* polja 31 upisuje se naimenovanje robe iz Carinske tarife i, odvojeno kosom linijom "/", opis robe, uključujući tip, model i naziv proizvođača, kao i drugi podaci potrebni za neposrednu i nedvosmislenu identifikaciju i svrstavanje robe. Opis robe mora garantirati nesumnjivo svrstavanje robe po Carinskoj tarifi i omogućiti pravilnu primjenu svih drugih propisa vezanih za vrstu robe i za zahtijevani carinski postupak, na primjer, ako se radi o izvozu akcize robe za koju je naplata akcize kod njenog uvoza ovisila od određenog svojstva robe (za alkoholna pića: postotak apsolutnog alkohola, volumen pakovanja; za duhanske preradevine: maloprodajna cijena i gramaža duhana za pušenje; za kahvu: oznaka mase), to se svojstvo, pored ostalih podataka, upisuje u polje 31 izvozne carinske deklaracije.

Opis robe sadrži i uobičajeni trgovački naziv robe.

Uobičajeni trgovački naziv robe podrazumijeva navođenje vrste robe na način koji je uobičajen u svakodnevnom jeziku (a ne jezikom iz nomenklature) i dovoljno precizan da bi već na prvi pogled bilo jasno o kojoj se robi radi. Slijedom toga, opće pojmove treba izbjegavati i zamijeniti preciznijim (kao na primjer, – prehrambeni proizvodi → naranče, čokolada, keksi, džem od jagoda, konzervirani ananas, voćni čaj ..., – odjeća → muške košulje, ženske hlače, dječije pidžame, kišne kabanice, kožne rukavice ..., – obuća → ženske cipele, ženske sandale, japanke, muške gležnjače ..., – stolni proizvodi → tanjiri, šalice, zdjele, noževi, solanici ..., – dijelovi mašina → pumpe, kućišta, ležajevi ..., – autodijelovi → kočnice, vjetrobranska stakla, amortizeri, branici ...).

Opis robe mora biti potpun, jasan i precizan tako da se lako može identifikovati to jest prepoznati koja je roba predmet konkretnog carinskog postupka. Navođenje podataka za identifikaciju robe posebno je bitno kod pošiljki sa većim brojem artikala i kod carinskih deklaracija sa većim brojem naimenovanja.

8. Izuzetno od tačke 7. ovog polja, kod izvoza ili ponovnog izvoza robe isporučene na zrakoplov i brod u međunarodnom saobraćaju (ovisno da li se snabdjevanje odnosno isporuka robe na zrakoplov i brod odnosi na domaću robu ili na stranu robu, to jest kada se primjenjuje tarifni broj 9930 24 00 00, 9930 27 00 00 i 9930 99 00 00 iz Podglave II Glave 99 Carinske tarife, u polje 31 upisuje se odgovarajuće "zajedničko naimenovanje" iz Podglave II Glave 99 Carinske tarife (na primjer, "Roba isporučena na zrakoplov ili brod: roba iz Carinske tarife Glave 1 do 24", ako je u pitanju tarifni broj 9930 24 00 00). U tim slučajevima, uz izvoznu carinsku deklaraciju, podnosi se "specifikacija robe" isporučene na zrakoplov ili brod, u kojoj opis robe mora biti dovoljno precizan da omogućava njenu identifikaciju. Referentni podaci o specifikaciji te robe upisuju se u polje 44 izvozne carinske deklaracije pod odgovarajućom šifrom vrste dokumenta iz Priloga 5.
9. Prema Napomeni iz Podglave II Glave 99 Carinske tarife, u svrhu primjene tarifnog broja 9930 24 00 00, 9930 27 00 00 i 9930 99 00 00 u smislu Carinske tarife "isporuka robe na zrakoplove i brodove" znači isporuka proizvoda za posadu i putnike te za rad motora, mašina i druge opreme na zrakoplovu ili brodu.

Napomene: 1. Podglava I Glave 99 Carinske tarife *ne primjenjuje* se u postupcima izvoza ni u kojem slučaju.

2. Primjena Podglave II Glave 99 Carinske tarife omogućava pojednostavljeni način popunjavanja carinske deklaracije odnosno pojednostavljeno svrstavanje kada je, u slučajevima u kojima je propisana njena primjena uz poštivanje ograničenja propisanih istom, pošiljka sastavljena od robe koja potpada pod više različitih tarifnih oznaka (podbrojeva), na način da se u tim slučajevima ne mora svaka roba iz pošiljke posebno svrstati u odgovarajuću tarifnu oznaku (podbroj) Carinske tarife, nego se koristi odgovarajuće "zajedničko naimenovanje" i upisuje jedna odgovarajuća tarifna oznaka iz Podglave II Glave 99 Carinske tarife. Uz carinsku deklaraciju podnosi se "specifikacija robe".

Primjer:

Ako pošiljku isporuke na zrakoplov čine više vrsta roba iz Glave 1 do 24 i jedna vrsta robe iz Glave 27 Carinske tarife, u tom slučaju:

- za robe iz Glave 1 do 24 Carinske tarife koristi se posebna tarifna oznaka "9930 24 00 00" iz Podglave II Glave 99, a
- za jednu vrstu robe (koja je u pitanju) koja se svrstava u jednu tarifnu oznaku iz Glave 27 Carinske tarife koristi se redovna tarifna oznaka (podbroj) Carinske tarife koja je odgovarajuća za tu robu (na primjer, ako je u pitanju kerozin gorivo koristi se redovna tarifna oznaka "2710 19 21 00" a ne "9930 27 00 00").

10. Ako šifra robe u polju 33 zavisi od veličine, mase ili drugih fizičkih parametara, naimenovanje u polju 31 treba sadržavati i te podatke.

Napomena:

Obzirom da je kod aluminijskih folija jedan od kriterija za svrstavanje "debljine ne manje od 0,021 mm, ali ne veće od 0,2 mm" i "ostalo", u opisu treba navesti konkretnu debljinu folije koja se izvozi (0,023 mm, 0,025 mm, ...), a ne raspon dimenzija naveden u nomenklaturi.

Polje 32: Naimenovanje broj

1. Upisuje se redni broj predmetnog naimenovanja pod kojim se roba prijavljuje u izvoznj carinskoj deklaraciji u odnosu na ukupan broj naimenovanja robe prijavljenih u upotrijebljenim obrascima i kontinuiranim obrascima, kako je navedeno u tekstu za polje 5.
2. Polje 32 carinski informacijski podsistem automatski popunjava rednim brojem predmetnog naimenovanja, u odnosu na ukupan broj prijavljenih naimenovanja robe, kako je navedeno u tekstu za polje 5 ovog priloga.
3. U jednoj izvoznj carinskoj deklaraciji ukupan broj naimenovanja robe može biti najviše 100.

Polje 33: Šifra robe

1. Popunjava se tako što se upisuje:
 - u prvu podjelu: prvih osam cifara tarifne oznake (podbroja) Carinske tarife koja odgovara predmetnom naimenovanju,
 - u drugu podjelu: deveta i deseta cifra tarifne oznake iz prve podjele, te odgovarajuća "dodatna sistemska šifra" iz Priloga 5., koja znači jedanaestu cifru u polju 33.
2. "Dodatna sistemska šifra" omogućava, prema potrebi, precizno razvrstavanje po dodatnim tarifama zbog primjene određenih propisa ili ako je robu iste vrste potrebno razlikovati, na primjer, po vrijednosti, kvalitetu, sastavu ili drugim karakteristikama. Korištenjem "dodatne sistemske šifre" mogu se razdvojiti robe iz iste tarifne oznake, na primjer kod izvoza akciznih proizvoda za koje se može tražiti povrat akcize, kod izvoza robe dvojne namjene ili druge robe koja podliježe dozvoli za izvoz, odnosno zbog primjene odgovarajućih propisa.

Polje 34: Šifra države porijekla⁽¹²⁾

1. U polje 34 izvozne carinske deklaracije deklarant može upisati odgovarajuću šifru iz Priloga 5. za državu porijekla, kako je definirana u Glavi II (Porijeklo robe) Dio drugi Zakona (nepreferencijalno porijeklo robe: čl. 27. do 32. Zakona; preferencijalno porijeklo: čl. 33. do 35. Zakona).
2. U protivnom, zbog tehničkih zahtjeva carinskog informacionog podsistema, mora se popuniti polje 34 upisivanjem dvoslovne sistemske šifre "QQ" (znači: Različite države).

Polje 35: Bruto masa (kg)

1. Upisuje se bruto masa robe navedene u odgovarajućem polju 31, izražena u kilogramima, zaokružena na dva decimalna mjesta.
2. Bruto masa je ukupna (zbirna) masa robe sa svom ambalažom (pakovanjem), osim kontejnera i druge opreme za prijevoz.
3. Ako je u pitanju prijevoz fiksnim prijevoznim instalacijama, u polje 35 upisuje se vrijednost "0,01".

Polje 37: P O S T U P A K

1. Popunjava se tako što se upisuje:
 - u prvu podjelu: šifra zahtijevanog izvoznog carinskog postupka za robu koja se prijavljuje iz Priloga 5.
Ta šifra sastoji se od četiri cifre, od kojih se prve dvije cifre odnose na zahtijevani carinski postupak, a posljednje dvije cifre na prethodni postupak.
Ako nije bilo prethodnog postupka ili ako je prethodni postupak bio postupak provoza, posljednje dvije cifre te šifre su "00" (dvije nule),
 - u drugu podjelu: odgovarajuća šifra iz Priloga 5., koja se odnosi na pobliže navođenje zahtijevanog izvoznog carinskog postupka iz prve podjele polja 37.
2. Šifra koja se upisuje u drugu podjelu polja 37 mora se odnositi na zahtijevani izvozni carinski postupak iz prve podjele tog polja. U svakom slučaju u kojem je neophodno precizirati zahtijevani postupak, u drugu podjelu polja 37 upisuje se jedna od odgovarajućih šifri iz Priloga 5. Ako niti jedna od predviđenih šifri za drugu podjelu polja 37 nije odgovarajuća za predmetni zahtijevani izvozni carinski postupak, u drugu podjelu upisuje se šifra "000" (tri nule).
3. U slučaju kada se druga podjela polja 37 mora popuniti, a postoji više od jedne šifre koja se može koristiti u određenom slučaju, s obzirom da se u drugu podjelu polja 37 ne mogu upisati dvije šifre u isto vrijeme, upisuje se ona šifra koja najviše odgovara predmetnom izvoznom carinskom postupku, dok se preostale šifre mogu upisati u polje 44 predmetne izvozne carinske deklaracije.
4. "Prethodni postupak" je carinski postupak u kojem je roba bila prije nego što je stavljena u zahtijevani postupak.
5. Četverocifrene šifre carinskih postupaka (to jest moguće kombinacije šifri zahtijevanog i prethodnog postupka) za prvu podjelu polja 37 sadržane su u Prilogu 5.

Primjeri:

1. 3151 → ponovni izvoz robe koja je prethodno bila stavljena u postupak unutarnje obrade (sistem odgođenog plaćanja)
2. 1041 → izvoz robe koja je prethodno bila stavljena u postupak unutarnje obrade (sistem povrata).

<i>Napomena:</i>	U slučaju kada je prethodni postupak bio postupak carinskog skladištenja ili postupak privremenog uvoza ili kada se radi o robi koja dolazi iz slobodne zone, tada se odgovarajuća šifra ovog postupka kao prethodnog upisuje samo ako roba prije tog postupka nije bila predmet nekog drugog carinskog postupka s ekonomskim dejstvom (unutarnja obrada ili obrada pod carinskom kontrolom).
<i>Primjer:</i>	Ponovni izvoz robe koja je bila uvezana u okviru postupka unutarnje obrade (sistem odgođenog plaćanja) i nakon toga stavljena u postupak carinskog skladištenja: = 3151 (a ne 3171). (Prvi postupak = 5100; drugi postupak = 7151; ponovni izvoz = 3151).

Polje 38: Neto masa (kg)

1. Upisuje se neto masa robe navedene u odgovarajućem polju 31, izražena u kilogramima, zaokružena na dva decimalna mjesta.
2. Neto masa je masa same robe bez bilo kojeg pakovanja (ambalaže).
3. Ako je u pitanju prijevoz fiksnim prijevoznim instalacijama, u polje 38 upisuje se vrijednost "0,01".

<i>Napomene:</i>	<ol style="list-style-type: none"> 1. U polje 38 moraju se upisati stvarni podaci za neto masu po naimenovanjima. Raspodjela neto mase po naimenovanjima na proporcionalan način u odnosu na vrijednost naimenovanja nije zakonski osnovano, a može imati za posljedicu netačne statističke podatke i pogrešno utvrđen izvozni carinski dug ako su propisane izvozne dažbine. 2. "Pakovanje" znači materijale i elemente koji se koriste u svim operacijama pakovanja za umotavanje, čuvanje ili zaštitu proizvoda ili supstanci tokom prijevoza (Preporuka 21. UN/ECE-a). Različite vrste pakovanja čija težina nije uključena u neto masu (zbog činjenice da se koriste samo u prijevozu) navedene su u Prilogu 5. (tekst za polje 31). Izraz "pakovanje" uključuje sve proizvode, posebno pakovanje koje se koristi kao vanjski ili unutarnji poklopac robe, držači na koje je roba namotana, umotana ili pričvršćena, kontejneri (osim onih definiranih međunarodnim konvencijama) i kutije. Izraz "pakovanje" ne uključuje prijevozna sredstva ili dijelove prijevozne opreme kao što su palete i teretni kontejneri.
<i>Primjer:</i>	Kompanija izvozi 1.000 boca vina. Svaka <i>boca</i> vina teži 1,25 kg, a <i>vina</i> u svakoj boci ima 0,75 kg. U polje 38 upisuje se broj 750 (a ne vrijednost jedinice).

Polje 40: Skraćena deklaracija/Prethodni dokument

1. Polje 40 popunjava se samo ako postoji prethodni dokument ili je postupku zahtijevanom po predmetnoj izveznoj carinskoj deklaraciji prethodio drugi carinski postupak.
2. Koristeći odgovarajuću šifru iz Priloga 5., u treću podjelu polja 40 upisuju se referentni podaci o dokumentu koji se odnosi na postupak prije zahtijevanog predmetnog izvoznog postupka (prethodni dokument).
3. U polje 40 upisuju se alfanumeričke šifre, koje se sastoje iz tri dijela (ili četiri dijela, prema potrebi):
 - 40/1: šifra kategorije prethodnog dokumenta,
 - 40/2: šifra (skraćena) za vrstu prethodnog dokumenta,
 - 40/3: broj (identifikacioni broj ili drugi prepoznatljiv referentni podatak) prethodnog dokumenta,
 - 40/4: broj naimenovanja robe, prema potrebi.

4. Ako je potrebno upisati više prethodnih dokumenata:
 - u treću podjelu polja 40: upisuje se "Razno dokumenta-99211", a
 - uz predmetnu izvoznju carinsku deklaraciju prilaže se "specifikacija prethodnih dokumenata" koja sadrži: referentne podatke specifikacije, sve relevantne podatke o svim prethodnim dokumentima kako je propisano za ovo polje i podatak uz svako naimenovanje o *bruto masi* koja se razdužuje, ovisno od konkretnog slučaja. Referentni podaci specifikacije upisuju se u polje 44 pod odgovarajućom šifrom vrste dokumenta iz Priloga 5.
5. Ako je prethodni dokument sastavljen na obrascu JCI, skraćenica za dokument sastoji se od:
 - šifre koja se primjenjuje za prvu podjelu polja 1 (IM ili EX) ili
 - šifre koja se primjenjuje za treću podjelu polja 1 za postupak provoza (vanjski) u Bosni i Hercegovini (T1).
6. Ako je prethodni carinski postupak proveden na osnovu usmene carinske deklaracije koju nije pratio "priloženi dokument" (na primjer, "popis robe") uz tu usmenu deklaraciju (vidi član 355. stav (4) i član 357. stav (3) Odluke), ili je postupak proveden na osnovu carinske deklaracije podnijete drugom radnjom (član 164. Odluke):
 - u treću podjelu polja 40: upisuje se odgovarajuća šifra iz Priloga 5.
7. Ako ne postoji prethodni postupak, u treću podjelu polja 40 upisuje se:
 - broj "1", ili
 - riječi "Ekvivalentna roba": kod postupka "1100" (izvoz dobijenih proizvoda proizvedenih od ekvivalentne robe u postupku unutarnje obrade (sistem odgođenog plaćanja) prije stavljanja uvozne robe u postupak unutarnje obrade).

Objašnjenje: Prethodni izvoz (EX - IM) u skladu sa članom 132. stav (1) tačka b) Zakona.

Primjer: Izvoz cigareta proizvedenih od listova duhana iz Bosne i Hercegovine (koji imaju status domaće robe) prije stavljanja duhanskih listova iz druge države u postupak unutarnje obrade.

8. Kod izvozne carinske deklaracije koja se popunjava korištenjem carinskog informacionog podsistema koristi se samo *treća* podjela polja 40 za upisivanje referentnog podatka o prethodnom dokumentu, dok se redni broj naimenovanja iz prethodnog dokumenta upisuje u *četvrtu* podjelu tog polja.
9. Ako se sva roba iz prethodnog dokumenta razdužuje predmetnom izvoznju carinskom deklaracijom tada se u polju 40 ne navodi broj naimenovanja iz prethodnog dokumenta.
10. U Prilogu 5. naveden je opis strukture šifri, šifre i objašnjenja za popunjavanje polja 40.

Polje 41: Dopunska jedinica mjere

1. Upisuje se količina robe iz predmetnog naimenovanja izražena u "dopunskoj jedinici" iz "kolone 3" Carinske tarife (zaokružena na dva decimalna mjesta, gdje je primjenjivo, ovisno od jedinice mjere).
2. Polje 41 carinski informacioni podsistem otvara ovisno od tarifne oznake robe upisane u polju 33 predmetnog naimenovanja u predmetnoj izvoznju carinskoj deklaraciji, te se u otvoreno polje 41 upisuje količina robe iskazana u naznačenoj dopunskoj jedinici koja je propisana Carinskom tarifom (kolona 3).

Napomena: Dopunske jedinice predstavljaju specifični vid dalje podjele nomenklature za potrebe provođenja određenih propisanih mjera, odnosno u statističke svrhe. Kada se koriste u vezi s tarifnim mjerama, različita dopunska jedinica u pravilu znači i različitu visinu dažbina, zbog čega je ispravno prijavljivanje dopunske jedinice od presudnog značaja za ispravno utvrđivanje izvoznog carinskog duga (ako su propisane izvozne dažbine) i pravilnu primjenu propisanih mjera koje se kod izvoza vezuju za dopunsku jedinicu.

Polje 42: Cijena robe

1. Upisuje se iznos u valuti iskazanoj u prvoj podjeli polja 22 za robu prijavljenu u predmetnom naimenovanju. Ista predstavlja dio ukupne fakturirane vrijednosti iz druge podjele polja 22 u skladu sa uvjetima isporuke.
2. Zbir vrijednosti upisanih u polju 42 u svim naimenovanjima izvozne carinske deklaracije jednaka je vrijednosti upisanoj u polje 22.
3. Kod izvozne carinske deklaracije carinski informacijski podsistem automatski popunjava ovo polje nakon pravilnog upisivanja podataka u dodatni ekran predmetne izvozne carinske deklaracije "Napomena o vrijednosti", pri čemu se primjenjuju i sljedeća pravila:
 - puni iznos iz fakture, upisan u polju 22, bit će automatski prikazan u dodatnom ekranu "Napomene o vrijednosti - *opći dio*", a zatim treba pravilno upisati iznose troškova i popusta kao što su troškovi prijevoza, osiguranja, ostali troškovi i popusti,
 - u dodatni ekran "Napomena o vrijednosti - *dio za naimenovanje*" predmetne izvozne carinske deklaracije upisuje se vrijednost robe iz fakture koja se odnosi na konkretno naimenovanje u valuti iz polja 22, a upisane troškove i popuste u "Napomena o vrijednosti - *opći dio*" raspodijelit će carinski informacijski podsistem po naimenovanjima srazmjerno vrijednosti robe iz tih naimenovanja,
 - ako se neki troškovi i popusti ne odnose na sva naimenovanja potrebno je u carinskom informacijskom podsistemu u dodatnom ekranu predmetne izvozne carinske deklaracije "Napomena o vrijednosti" isključiti opciju "Raspodjela po vrijednosti", a uključiti opciju: "Nema dodjele" te, u tom slučaju, raspodjelu troškova i popusta po naimenovanjima izvršiti ručno a njihove iznose upisati u dodatni ekran predmetne izvozne carinske deklaracije "Napomena o vrijednosti - *dio za naimenovanje*".

Polje 44: Dodatne informacije/Priloženi dokumenti/Potvrde i odobrenja

1. Koristeći odgovarajuću šifru iz Priloga 5., u polje 44 upisuju se podaci u skladu sa svim primjenjivim posebnim pravilima, zajedno sa referentnim podacima dokumenata priloženih uz izvoznju carinsku deklaraciju i/ili dodatnih informacija koje trebaju biti upisane u ovo polje. Ako podaci nisu određeni u obliku šifre iz Priloga 5., upisuju se riječima.
2. Ako se koriste obe vrste, prvo se navode šifarski, a zatim tekstualni podaci.
3. Za informacije i priložene dokumente koji se odnose na sva naimenovanja izvozne carinske deklaracije, šifre i referentni podaci o istima upisuju se u polje 44 samo kod prvog naimenovanja.
4. Za informacije i priložene dokumente koji se odnose samo na određeno naimenovanje predmetne izvozne carinske deklaracije, šifre i referentni podaci o istima upisuju se u polju 44 tog konkretnog naimenovanja i oni se odnose samo na robu iz tog naimenovanja.
5. Polje 44 koristi se za prikaz podataka o dokumentima, potvrdama i odobrenjima koji se prilažu uz izvoznju carinsku deklaraciju, te dodatnih informacija (podataka) neophodnih za provođenje predmetnog izvoznog postupka. Slijedom toga, u polje 44 upisuju se:
 - odgovarajuća vrsta i iznos (zaokružen na dva decimalna mjesta) troškova i popusta koji utiču na utvrđivanje statističke vrijednosti, vrstu i iznos troškova i popusta koji se odnose na svu robu (sva naimenovanja) prijavljenu po izvoznju carinskoj deklaraciji carinski informacijski podsistem automatski ispisuje u polje 44 samo kod prvog naimenovanja, a troškove i popuste koji se odnose samo na pojedine robe taj podsistem automatski ispisuje u polje 44 naimenovanja tih roba, a na osnovu podataka unijetih u dodatni ekran predmetne izvozne carinske deklaracije "Napomena o vrijednosti",
 - podaci o vrsti i broju (identifikacioni broj ili drugi prepoznatljiv referentni podatak) priloženih dokumenata (podaci o traženom odgovarajućem uvjerenju, dozvoli, certifikatu, odobrenju i/ili

- drugim dokumentima koja se prilažu uz izvoznju carinsku deklaraciju, ovisno od zahtijevanog predmetnog izvoznog postupka i robe koja je u pitanju),
- prema potrebi, podaci o carinskim odobrenjima/odlukama (šifra odobrenja/odluke iz Priloga 5. ako je propisana tim prilogom ili drugim aktom, broj i godina odobrenja za sprovođenje postupka iz polja 37 izvozne carinske deklaracije i šifra nadzornog carinskog ureda),
 - podaci u vezi statusa AEO (ovlašćeni privredni subjekt) gdje postoji, koristeći odgovarajuću šifru i opis kako je navedeno u Prilogu 5.,
 - specifične oznake propisane čl. 402. i 403. Odluke, gdje je primjenjivo,
 - šifra "RET-EXP" ili šifra "30400" kao dodatna informacija, prema potrebi (upisom jednog od navedenog, deklarant može izraziti želju da mu se vrati primjerak 3 izvozne carinske deklaracije, vidi tekst za polje 50),
 - drugi podaci koje se zahtijevaju prema carinskim ili drugim propisima primjenjivim u zahtijevanom izvoznom carinskom postupku,
 - druge dodatne informacije ("šifra/opis", ako je šifra propisana).
6. Ako se carinska deklaracija za ponovni izvoz kojom se završava postupak carinskog skladištenja podnosi carinskom uredu koji nije ujedno i nadzorni carinski ured, upisuje se šifra (an8) i naziv nadzornog carinskog ureda.
7. Ako u polju 44 nema dovoljno mjesta za upisivanje priloženih dokumenata i informacija:
- uz predmetnu izvoznju carinsku deklaraciju prilaže se "specifikacija priloženih dokumenata i informacija", koja za iste sadrži podatke propisane za popunjavanje polja 44, kao i referentne podatke same specifikacije, a
 - referentni podaci specifikacije upisuju se u polje 44 pod odgovarajućom šifrom vrste dokumenta iz Priloga 5.
8. Podjela "Šifra D.I." (šifra dodatnih informacija) ne smije se popuniti (mora ostati prazna).
9. Šifre koje se koriste za prikaz podataka u polju 44 i određena objašnjenja data su u Prilogu 5.
10. Kod izvozne carinske deklaracije u carinskom informacionom podsistemu:
- u prvom redu polja 44: nalaze se (prikazani su) samo iznosi troškova i popusta upisanih u dodatni ekran predmetne izvozne carinske deklaracije "Napomena o vrijednosti" i to za predmetno naimenovanje,
 - u drugom redu polja 44: nalaze se samo šifre priloženih dokumenata zahtijevane od strane carinskog informacionog podsistema za odgovarajući izvozni carinski postupak. Šifre za ostale dokumente potrebne za zahtijevani izvozni postupak, a koje carinski informacioni podsistem automatski ne zahtijeva, obavezno upisuje deklarant izborom iz Priloga 5. odgovarajuće šifre za svaki dokument koji je u pitanju,
 - referentni podaci o svim dokumentima priloženim uz predmetnu izvoznju carinsku deklaraciju: upisuju se u dodatni ekran te deklaracije "Priloženi dokumenti", prilikom provjere u fazi sačinjavanja izvozne carinske deklaracije.

Polje 46: Statistička vrijednost

1. Upisuje se vrijednost robe iz predmetnog naimenovanja, izražena u valuti Bosne i Hercegovine, na paritetu franko granica Bosne i Hercegovine.
2. Ako je ugovorena isporuka robe u drugoj državi, upisuje se vrijednost iz fakture umanjena za troškove prijevoza, osiguranja i slanja robe od granice Bosne i Hercegovine do mjesta isporuke u drugoj državi.
3. Ako je ugovorena isporuka robe u mjestu u Bosni i Hercegovini, upisuje se vrijednost iz fakture uvećana za troškove prijevoza, osiguranja i slanja robe od mjesta isporuke do granice Bosne i Hercegovine.

4. U carinskoj deklaraciji za ponovni izvoz dobijenih proizvoda nastalih u postupku unutarnje obrade, u polje 46 upisuje se iznos kojeg čine ukupna vrijednost uvozne robe stavljene u postupak unutarnje obrade, vrijednost usluga, vrijednost domaće robe korištene u postupku unutarnje obrade i vrijednost drugih troškova nastalih u carinskom području Bosne i Hercegovine.
5. Iznosi koji se upisuju u polje 46 zaokružuju se na dva decimalna mjesta.
6. Polje 46 carinski informacijski podsystem automatski popunjava na osnovu podataka u izvoznju carinskoj deklaraciji koje je upisao deklarant, to jest ovisno od pravilnog popunjavanja polja 22 i pravilno upisanih iznosa troškova i popusta, što je odgovornost deklaranta/zastupnika shodno članu 131. stav (1) Odluke i odredbi osmog stava Odjeljka C, Glava I Priloga 23. Odluke.

Polje 49: Identifikacija skladišta^{(15) (16)}

1. U polje 49 upisuje se identifikacioni broj carinskog skladišta iz odobrenja za držanje carinskog skladišta koje je u pitanju.
2. Polje 49 izvozne carinske deklaracije popunjava se samo ako je roba prethodno bila predmet postupka carinskog skladištenja, to jest ako se izvozna carinska deklaracija za stavljanje robe u postupak zahtijevan istom koristi za završetak postupka carinskog skladištenja (na primjer, ponovni izvoz nakon postupka carinskog skladištenja - postupak "3171").
3. U slučaju iz tačke 2., polje 49 izvozne carinske deklaracije u carinskom informacijskom podsystemu sastoji se od dva dijela, koje carinski informacijski podsystem prema potrebi otvara, a upisuje se:
 - u prvi dio polja: identifikacioni broj carinskog skladišta u kojem je predmetna roba prethodno uskladištena,
 - drugi dio polja: ne popunjava se (vidi napomenu).

Napomena: U drugi dio polja 49 upisuje se takozvani sistemski broj "9999": samo kod privremenog izvoza robe koja će se vratiti u nepromijenjenom stanju (postupak "2300").
Ovo je zbog tehničkih zahtjeva carinskog informacijskog podsystema, radi omogućavanja slanja izvozne carinske deklaracije za navedeni postupak "2300" u taj podsystem (na carinski server).

Polje 50: Glavni obveznik⁽¹⁸⁾

1. Kod izvoznih carinskih postupaka (uz upotrebu izvozne carinske deklaracije odštampane u pisanoj (papirnoj) formi) na zelenom obrascu JCI, shodno članu 465. stav (3) Odluke, deklarant/zastupnik može u polje 50 izvozne carinske deklaracije upisati puno ime i adresu posrednika kojem se može uručiti primjerak 3 te deklaracije nakon njegove ovjere od strane izlaznog carinskog ureda (ovjera fizičkog istupa robe iz carinskog područja Bosne i Hercegovine).
2. U slučaju iz tačke 1. ovog polja, deklarant u polje 44 izvozne carinske deklaracije upisuje, kao dodatnu informaciju, šifru "RET-EXP" ili šifru "30400".
3. Ako kod izvozne carinske deklaracije, u slučaju iz tačke 1. ovog polja, carinski informacijski podsystem, zbog tehničkih razloga tog podsystema, ne podržava popunjavanje polja 50, tada puno ime i adresu navedenog posrednika može u polje 50 odštampane izvozne carinske deklaracije ručno upisati deklarant/zastupnik uz ovjeru i tog polja, a informaciju o tome deklarant/zastupnik obavezno upisuje i u dodatni ekran "Infostranica" u fazi sačinjavanja predmetne izvozne carinske deklaracije.

Polje 54: Mjesto i datum/Potpis i ime deklaranta/zastupnika

1. Upisuje se mjesto i datum podnošenja izvozne carinske deklaracije.
2. Odgovorno lice kod deklaranta/zastupnika upisuje svoje puno ime i svojeručni potpis.
3. Original svojeručnog potpisa odgovorno lice mora staviti na primjerak izvozne carinske deklaracije koji ostaje kod nadležnog postupajućeg izvoznog carinskog ureda. Ako je deklarant/zastupnik pravno lice, upisuje se puno ime i adresa tog pravnog lica, puno ime odgovornog lica kod deklaranta/zastupnika koji svojeručno potpisuje i navodi funkciju, te stavlja otisak službenog pečata.
4. Kod izvozne carinske deklaracije, carinski informacijski podsystem automatski upisuje samo datum podnošenja izvozne carinske deklaracije i korisničko ime (u formatu "prezime.ime" (mala slova)) odgovornog lica kod deklaranta/zastupnika koje mu je dodijeljeno od strane Uprave za indirektno oporezivanje za rad na carinskom serveru. Svojeručni potpis to odgovorno lice mora upisati na primjerak predmetne izvozne carinske deklaracije koji ostaje kod nadležnog postupajućeg izvoznog carinskog ureda (kao i naziv funkcije deklaranta/zastupnika ako je u pitanju pravno lice i otisak službenog pečata).